

武進惲鐵樵遺著

藥盒醫學禁書

永泰馬氏題



第四輯（上） 臨證筆記 臨證演講錄

武進惲鐵樵遺著

藥盒醫學叢書

永宏馬氏題



第四輯（上） 臨證筆記 臨證演講錄



南京中医药大学图书馆版权所有

武進惲鐵樵著

藥盒醫學叢書第四輯之一

臨證筆記

受業江陰章巨膺參校



藥盒醫學叢書第四輯之一

臨證筆記目次

導言·····

家眉卿子案·····

家四太爺子誤服香藥病案·····

嘉興劉小姐病溫案·····

張錦宏女傷寒病案·····

王君依仁傷寒病案·····

周君志禹熱病案·····

陶希丈女公子傷寒病案·····

金姓婦熱病案·····

陸小姐外感食積案·····

·····二七

莊氏流產案·····

·····三四

心房病治驗案·····

·····三六

喉痧治驗案·····

·····四六

自己咳嗽腸病治效·····

·····五八

陶小姐食積不愈症·····

·····六八

痧子壞病三則·····

·····七二

藥盒醫學叢書第四輯之一

臨證筆記

武進惲鐵樵著

受業江陰章巨膺參校

導言

自來醫案鮮有佳者。徐靈胎洄溪醫案頗佳。然藥無分量。俞震東所輯古今醫案按。爲最詳備。賢於名醫類案正續編。然集古人醫案。既非我自己用藥。便不免多所隔膜。喻嘉言寓意草乃其手所自定。觀其自叙。可謂自負不可一世。然有一事令人大惑不解。寓意草中每至至危極險之時。輒以旋覆代赭奏奇效。後人多踵而用之。然吾已數十次見人用此。無一效者。甚且敗事。故余迄未敢一用。畢竟效顰者皆非歟。抑寓意草尙有不盡不實者在耶。近人余聽鴻先生診餘集則較爲鞭撻近裏。章太炎先生頗賞之。然就中孩食碎磁一案。謂語鄰

誇誕。審視良是。該書付印時。其世兄非常審慎。且曾由不佞審查一過。不圖猶有此白圭之玷。則醫案豈易言哉。此編別無他長。只是不打誑語。後人可以取法。惜吾十餘年來所診病。不留底稿。今所憶者。僅較大數案。餘都不復省記。近來各案因留底稿。故較詳細。然如前此之用大方者。反不多覩。若論後來取法。自以普通者爲佳。大病本少。大方亦難用也。

家眉卿子案

余最初爲人診病。爲家七太爺眉卿之第五子。七太爺住北城都路貞吉里。其五少爺當時生纔十四個月。壯熱不啼。不乳。亦無涕淚便溺。延醫診視。予以普通應酬方之。豆豉豆卷等。服後無效。神色則愈昏迷。互兩日夜。了無變動。乃惶急無措。專足至商務編譯所延診。七太爺所以急而招我者。因聞小女慧男生纔七個月。患傷寒。中西醫均束手。而吾以麻黃湯自療之也。（此案載入拙著

傷寒研究中）余視其病證。脈數。肢溫。熱甚壯。微有汗意。舌苔不絳不糙。脣亦不乾。惟目光無神。目珠微向上。按其腹部不硬。按胸部則眉蹙。其時爲七月。余思時雖盛暑。却與暑濕無關。是食停上膈證。經云。在上者因而越之。是可吐也。因爲書瓜蒂散。生豆豉三錢。生山梔三錢。甜瓜蒂五個。因方中無貴藥。囑其僕卽近處小藥店中購之。既而購藥者歸。謂無甜瓜蒂。僅有南瓜蒂。余思南瓜蒂甚大。五個殊太多。乃改用兩枚。并謂病家。藥後如不吐。可以鷄羽探喉。歸後殊不放心。翌晨自往探視。據云。藥後吐瀉並作。已能啼矣。亟往視之。纔入室。見病兒目灼灼向余審視。余喜曰。愈矣。視其所下皆黃糞成塊者甚多。甚多。此症停積雖多。舌無黃苔。用表藥既非其治。用攻藥亦不能一藥而愈。以承氣證未具也。當時用瓜蒂散。祇欲其吐。不虞其瀉。嗣後乃知此兒以食物太多。上中下三焦皆滿。府氣不通。故不啼不乳。矢未燥。故腹部不拒按。梔豆有升降作用。故吐

瀉並作。抑梔豉之力不是去積。其所以能升降。全賴瓜蒂。上口開則下口亦開也。然則因食停上膈而用吐。可謂知其一。未知其二。此病用此方。不可謂是幸中。而此方與此病。絲絲入扣。實非余當時能力所及。乃由事後反復思索者悟得者。實不可謂非幸中。嗣是此五少爺者。竟不復病。直至八歲時。始以小感冒延診一次。今十二齡矣。此可見仲景方之高絕。非其他方藥所可幾及。余每用傷寒大方愈病。其人必互七八年始以小病就診者甚多。不僅此一症爲然也。

家四太爺子誤服香藥病案

是年九月。家四太爺延診其第六子病孩。爲六個月嬰兒。壯熱、脈數、無汗、不啼、不乳。兩日夜。氣促鼻扇。目光無神。病家恐出痧子。以紙捻蘸油燃燭。照其面部。余以紙捻向東西移。其目珠乃不隨光轉動。試以電燈亦然。視前方。不過豆豉枳壳。初起發熱。至是凡六日。第四日陡增重。則因是日曾服金鼠矢半粒。藥後

下青色糞。遂不啼不乳。初服金鼠矢。熱勢略殺。是日復壯熱。始驚惶。余有兩兒一女。皆因發熱。時醫予以香藥而殤者。而此孩纔六個月。且氣促鼻扇。目不能瞬。計已無望。因不敢處方。家四太爺固強之。乃逐層推敲。久之。忽有所悟。因用生麻黃四分。葛根一錢。黃芩八分。炙甘草六分。僅四味。囑盡劑。翌日覆診。諸恙悉瘥。目能動。啼且乳。微汗出。熱且退矣。原方去麻黃加枳實竹茹。霍然而愈。此病之機刮。全在初服金鼠矢熱略減。既而熱復壯。須知初時之熱減。非熱退。乃熱陷也。金鼠矢一名萬應錠。爲祕方。在北京甚有名。亦回春丹之類。僅服米粒大。便能奏效。使病孩下青色糞及痰。可知藥中必有甚猛烈之品。如甘遂。牽牛之類。熱陷爲誤下。太陽誤下則爲結胸。胸結則體溫集表者反而內攻。而表熱乃不壯。藥中麝香奇重。麝本能開閉。熱既內攻。麝乃不達表而竄裏。麝能蝕腦。既不達表而竄裏。斯無有不引熱入腦者。引熱入腦。則熱之在表者反低。而脈

反遲。腦脊髓炎之險證見矣。故兒科用香藥。於熱病卽多不救。不必見險證敗象而後知之。吾初見病孩目光不隨燭光轉移。以爲熱已入腦。六個月嬰兒。熱既入腦。法在不救。故不敢用藥。繼思熱既復壯。是仍有外出之機。因勢利導。當仍可達之向外。使從外解。其目不能瞬。確是胃氣爲藥力所抑。胃神經起變化。影響後腦。間接及於目珠之滑車神經。若後腦發熱。卽成一往不返之局。今表熱既復壯。生機自在。所謂忽有所悟者此也。

嘉興劉小姐病溫案

吾鄉先輩劉少寅先生。光緒中爲嘉興知府。後卽入嘉興籍。其所居曰保忠塋。民五少寅先生之女公子病。由其孫問籌世兄來滬延診。病者二十二歲。尙未出閣。其病證初起發熱。醫謂是溫病。服藥不效。前後易五六醫。延時兩月。愈病愈重。舊方紙厚寸許。略一審視。初起豆豉豆卷。其後均鮮石斛爲主藥。共四十

餘紙。每紙石斛三錢。有五錢者。最後則爲霍山石斛。綜計所服。各種石斛。至少當有十二兩。又其後則爲羚羊犀角。又其後旋覆花代赭石。其後紫雪丹。最後則爲魯豆衣糯稻根鬚。嗣是五日無方。蓋已謝不敏矣。視病人。則不能動。不能言。肉削殆盡。熱不退而脈數。徧身無汗。日進粥湯一兩羹匙。舌色厚膩灰潤。熱百零四度。洩有而甚少。氣短。不踰臥。似寤似寐。目尙能瞬而已。病家問如何。余曰。此壞病也。純爲藥誤。恐不可救。病家固請挽回。余思既遠道來此。亦斷無不用藥之理。乃爲處方。此方已不記憶。僅憶是麻黃附子爲主。炙麻黃五分。製附塊一錢。書方已。由問籌偕往游鴛鴦湖。時爲八月既望。烟雨樓中。光線絕佳。樓外烟雲。湖中舟楫。水面菱芡。界爲方罫。如鋪錄茵。款乃時聞。光景清絕。爲之流連竟日。問籌意在尼吾行。游興旣闌。復往飯店晚餐。延至九鐘。當日已無火車可行。乃偕歸。因病人不能言。亦不能動。故藥後無所表見。余診其脈。其數度如

梨園中之板鼓。驟如急雨不可數。急以熱度表量之。得百零五度零六。爲之大驚失色。病家問如何。余搖舌不能答也。乃至其家廳事中。屏人獨處。深長以思。已而復入診視。按病人之胸脘。覺鳩尾骨下軟膻中板然而硬。復四邊按之。察其有無邊際。則硬處大如五寸徑碟子。儼如癰瘰。乃處方如下。製附片三錢。柴胡一錢半。薑半夏錢半。吳萸錢半。薤白三錢。炙甘草一錢。雲苓三錢。煎成已十二鐘。卽予服十之七。尋思藥已入腹。更無推敲餘地。苟不予藥。甯有幸者。雖冒險不悔也。乃屬問籌四鐘時醒我。是夜竟得酣寐。黎明時。更入診。脈已軟緩。以熱度表測之。得百零一度。心爲釋然。乃將頭煎餘藥并二煎予服。至八鐘能言矣。將原方去柴胡。減附子爲一錢。吳萸半之。其餘副藥略相稱。囑服四劑。以十點鐘車返滬。越四日。復延診。他無所苦。惟腹脹不得大便。乃以半硫丸下之。計每次一錢。服兩次而便行。嗣後竟弗藥。僅以糜粥調理。至翌年五月。始完全復

原。徧身肌肉再生。可謂絕處逢生也。按此病本是傷寒系之溫病。醫者誤認以爲喝病。而以葉天士醫案之法治之。遂致誤入歧路。夫喝病是暑溫。在傷寒範圍之外。通常所謂風溫溫熱。乃傷寒類之熱病。在傷寒範圍之內。此古人所未明者。且葉天士顧景文等。僅知暑溫不可用傷寒法。而不自知其石斛羚羊犀角殺人反掌。卽暑溫亦不可用。後人復漫不加察。謬種流傳。滔滔皆是。固不必爲嘉興醫生咎也。以上所說。溫病明理詳之。至吾所用之方。爲變相眞武湯。爲舒馳遠所常用者。其半硫丸則宋寶材扁鵲心書法。此兩法若何可用。若何不可用。說詳後案。

張錦宏女傷寒病案

凡病未經誤治者。縱險可挽回者多。旣經誤治而見敗象者。則十死八九。因藏氣擾亂。反應之救濟易窮故也。余治張錦宏掌珠一案。其病之險。尤甚於嘉興

劉氏。張錦宏者。常州奔牛人。與丁君仲英爲襟兄弟。向在丁處。民六歲暮。其掌珠患傷寒。初由余繼鴻兄診治。予以豆卷梔豉等不效。病漸內傳。張延余診。其病爲陽明府證。予以調胃承氣。熱不解。更予小承氣。時已逼歲除。病仍不解。除夕初一未復診。初二則病變。舌潤。汗多。胸悶。肢冷。神志不清楚。脈數微硬。蓋少陰證見矣。問所以致此之由。因連進承氣不效。仲英予以銀花、連翹、竹葉、蘆根等藥。初意以爲甚平穩之藥。恣服無害。不圖寒涼過當。遂見陰證也。余曰。今則非附子不可。時座上賀年戚友。強半醫生。聞附子無不談虎色變。仲英欲余負責。余曰。彼此稍有交誼。故略盡綿薄。余豈欲酖之耶。時有竊笑於旁者。余不顧。處方用附子錢半。柴胡一錢。卽診嘉興劉姓所用方。第分量較輕耳。仲英留余雀戰。其意蓋不能釋然於附子。余門牌技至劣。是日負至四十餘元。然附子之藥效則良佳。病者得酣寐竟日。醒而熱退矣。旣而十日不大便。復有微熱。余以

半硫丸下之。得乾糞。精神爽慧。從此愼攝。可以逐漸復元。余亦不復往。二月初。忽以急足來迓。謂病有變。余莫明其故。姑往診視。則目上視。環脣汗出。兩手無脈。一手脈僅兩至。問所以致此之由。因服半硫丸得大便後。又便閉半月。鑒於前此用藥之難。不敢予藥。以灌腸皮帶導之。不圖遂有此變。錦宏請處方挽救。余謝不敏。仲英謂此時若更能挽救。其技始真足以服人。余哂之曰。凡事成之至難。敗之至易。治病較之尋常事件尤甚此。病所以不能挽回者。因傷寒之變化。至中陰溜府止。前此便閉。用半硫丸。卽是溜府。自爾日得大便後。又半月不更衣。其生機卽在此處。何以故。以陰病變陽也。今以滌腸法墮其自復之脾陽。吾疑公等之不欲其生也。奈何復言挽救。錦宏聲淚俱下。錦之環境甚窘。而愛女如此。余亦愛憐女兒甚於兒子者。且余之兒女多死於醫。不覺爲之下同情之淚。尋思凡敗象之見。其來漸者。不可救。暴者。擬亂反正。却有可愈之理。因令

購艾絨於關元穴灸之。至八九壯。毫無影響。余曰。此當以五十壯爲期。業已目上視而無脈。灸與不灸。均之是死。計無復之。遂不返顧。至九十壯。汗斂。脈起。乃以大劑參附頻頻予服。一面繼續再灸。至七十餘壯。病者呼痛始止。是日薄暮至夜半。盡附子人參各三錢。兩鐘時再灸。至黎明又五十餘壯。脈見緩滑。余曰可矣。止艾炷。以干槌膏蓋灸創處。飲以米湯。病者得美睡。從此不敢妄予藥。病亦竟不復變。至七月間。肌肉充盈。病乃全除。精氣全復。

自西法盛行後。向患便閉者。始無不知有灌腸皮帶及打密唧筒。因中國古法僅有蜜煎導。而藥肆中又不備。其物誠不如西法之靈捷便利也。然有兩種病不可用。爲余目擊其害。至數十次無一或爽者。一爲傷寒之陽明經症。二爲痢疾。傷寒最喜化燥。最忌漏底。化燥則一清可愈。漏底則陰症立惟。見陽明府證。當然可用。其非傷寒大便燥結者亦可用。至於痢疾。裏急後重。所苦者卽是糞